

INUIT ATAQATIGIIT

Inatsisartuni



UPA 2017/17
Nuuk, 21.02.2018
Aqqaluaq B. Egede

**2019-imi akileraarutitigut ilanngaait il.il. imatut
angissusilerneqarnissaannik Inatsisartut aalajangiiffigisassaannik
siunnersuut:**

Inummut ilanngaaitkr. 48.000 (ukiumut)
Ilanngaait aalajangersimasoq.....kr. 10.000 (ukiumut)
Aningaasarsiat B-t akileraaruteqaataasussaannigitsut kr. 5.000 (ukiumut)
Killilimmik akileraartussaataasut ilanngaait.....kr. 1.000 (ukiumut)
Kommuninut ataatsimut akileraarut.....6 %

(Aningaasaqarnermut Naalackersuisoq)

Ukiuni arlaqalersuni nunatsinni naalackersuinikkut akileraartarnikkut aqqissuuseqqinnissaq oqallisigineqarpoq. Inuiaqatigiinnilu inuit atugarissaarnerat siuarsavigineqassappat avaqqukkuminaappoq ulluinnarni inuit nunatsinni aningaasaateqassusiisa siuarsaavigineqarnissaat pillugu iliuusissat suut eqqornerpaajunersut qulaajaqqissaarneqarsimanissaat.

Inuit Ataqatigiit isumarput malillugu, siunnersuut una sammisarput ilanngullugu naalackersuisut misissuiffigisariaqarpaat, aamma periusissiortoqartariaqarmat nunatsinni inuit atugarissaarnerulernissaat siunertaralugu akileraartarnikkut ilanngaait il.il. atukkatsinnut nutaamik aqqeeqataasinnaammata.

Ajornaqaaq pissusitoqqat ileqquliutiinnakkallu tamaasa nutaamik nalilersunngikkutsigit malunnaatilimmik inuit atugaat allannguuteqarnaviannigillat. Pisariaqarpoq allannguiniarnissarput. Pisariaqarpoq inuit atugaannut toqqaanarnerpaamik sunniuteqartut tamaasa misissuataarneqarnissaat. Taamaammata Inuit Ataqatigiit siunnersuutigaarput Inatsisartut, Naalackersuisut, aamma partiit tamasa peqatigalugit akileraartarnikkut aqqissuuseqqinnissatta imarisasaa ilaat maannangaaq aallartissagipput.

Neriuppugut suliassaq una Inatsisartut Aningaasaqarnermut ataatsimiititaliaanni sammisassanngortinneqassasoq. Ullut siulliit aallarnerfiusariaqarmata suliassat annertuut peqqissaarussamik aamma piffissaqarluartumik Inatsisartuniit Naalackersuisuniillu sammineqarnissaat.

Aalajangiiffigisassatut siunnersuut assortuussutissartaqanngilaq, kisiannili inuit nunatsinni qanoq atugaqarnerannut isumalerujussuulluni. Tunngavilersuutigut

INUIT ATAQATIGIIT

Inatsisartuni



innersuussutigalugit Inatsisartut Naalakkersuisullu kaammattorumavagut suleqatigiinnissamik isaassinerput tigulluaqqullugu.

Taamaaliornikkut aaqqissuusseqqinnissatta katersuuffiunerpaamik ingerlanneqarnissaa angujumagatsigu.

Taamatut oqaaseqarluta Inuit Ataqatigiit-nniit siunnersuut Inatsisartut Aningaasaqarnermut ataatsimiititaliaanni suliarineqartussanngortinnissaa inassutigaarput. Neriulluta ilalernerqarluarumaarluta.